

閩臺族譜彙刊

◎ 陳支平 主編

31

GUANGXI NORMAL UNIVERSITY PRESS
广西师范大学出版社



閩臺族譜彙刊

陳支平 主編

31

GUANGXI NORMAL UNIVERSITY PRESS
广西师范大学出版社

· 桂林 ·



目録

清流里田豫章羅氏族譜

.....

一

目

録

福建 清流里 田豫章

羅氏族譜

羅炳南等 編纂

國民三十年（一九四一）八修 刻本

《清流里田豫章羅氏族譜》，閩西清流客家羅氏家族譜牒，羅炳南等編纂，民國三十年（一九四一）八修刻本。

里田十八世祖仲良公諱嗣第八次重修族譜序

稽諸史乘我中華民族概係黃帝子孫源本無分姓氏迨三代封功世襲而姓氏畧分閭周禮同姓不婚而姓氏乃堅定我姓鼻祖祝融氏因封於羅藉以爲姓漢豫章侯爵大司農之職後裔蕃衍遠在唐宋子孫生活多以農業爲本散居於贛南閩西者爲最著溯

豫章羅氏族譜

卷一

新序

閩西發蹟天顯公分枝甯邑根竹淮陽連邑文亨斑竹長邑巖頭羅坊清邑漁滄里田紹箕裘而貽謀燕翼多則數千家少則數十家不等團結力最強者莫若族誼維繫族誼者尤以族譜爲根據茲值里田仲良公哲嗣第八次重修族譜之期余爲民十六七年曾長里田小學校民廿四五年復任清流第五區長時設公所於斯地深稔仲良公一生福澤

莫與媲美願爲之序以貢拙焉夫

仲良公係鶯遷里田開基始祖隆遠公第十八世耳孫也白手成家耕田爲業日出而作日入而息勤儉起家眾稱富有不特本鄉田連阡陌奄有荷坑東山大田坑河率一帶田疇難以數計精神矍鑠籌登耄耄不沾徽恙眼觀五代同堂六難斑衣舞綵厥孫曾玄遠膝間安惟黠頷而已一脉所生男丁百口至

豫章羅氏族譜

卷一

新序

臨終時毫無缺損者萬福無疆此之謂也快哉自天顯公以來富裕百萬者有之貴爲邑侯者有之壽算期頤者亦有之而樂享天倫福澤之美滿如斯者推仲良公一人是已迄今八修凡十世田庄仍舊屋舍煥新而丁口盈千較全鄉戶口統計幾過半矣此次監修總經理 開袍 助理 正興 盛彬 辦稿兼校對 炳南 敬賓經之營之不日成

之良可賀也卜將來鳳毛濟美蘭桂騰芳綿

延仄陟俾熾俾昌爲無量頌是爲序

昔

中華民國三十年歲次辛巳十一月廿六日

舊制中學畢業文亨三十一世晚生啟明謹撰

錄重刊族譜

卷一

新序

三

八修族譜序

夫家之有譜猶國之有史也國史以紀歷朝世運之興衰文化之漸進家譜以載世系之源流支派之分明蓋非譜不足以序昭穆而敦人倫有族譜既可載過去祖先之系統與生殁事蹟以及世代祀產之增減可一目瞭然是以族譜之關係豈不綦重哉然族譜既備載於前又貴乎續修於後俾世遠年湮流

錄重刊族譜

卷一

新序

一

離遷徙生歿婚葬祀產演變世代相承皆有所稽考故古有定三十載爲一度重修族譜之期庶免遺漏不亦宜乎余族始有闔族眾譜經明代中葉爲流寇所焚愛莫能及迨余十八世祖仲良公房內幸有先達不憚心勞近考遠稽不惜跋涉四面搜羅上祖來歷史實始續而續之初修族譜之成績後裔繼續修竣凡七次竊查七修迄今已達三十有

五年矣其修期之孔亟刻不容緩噫前次修諸董事諸伯叔均無存在者一時老成凋謝後進迂疎而失指導明人此譜欲修之難一也於民國二十年歲次辛未至甲戌歲三年當中赤禍蔓延歲無甯日民不聊生本族父老兄弟悽遭屠殺及被擄失踪者不知凡幾此譜欲修之難二也本族因教育落後缺乏知識份子未有領袖人材以致戲謔妄談者

豫章羅氏族譜

卷一

新序

二

多而實際見義勇爲者少此譜欲修之難三也現在國難方殷百物騰貴經濟困難此譜欲修之難四也逆觀七修族譜諸事告竣因山界不明即起訟端致不能發行此譜欲修之難五也茲幸族兄開袍等不避艱鉅不啻任何困難乃竭力提倡肩任其事爲族眾所贊許余受族衆囑托爲秉筆總辦稿兼校對予自愧庸碌寡文難以勝任無奈眾意難拂義

不容辭遂承其事茲將舊譜逐頁轉載並將新增世系祀產房屋墳陵等以及賢哲行傳分類一一付梓監督印刷中秋開局三冬告竣開卷而觀煥然一新惟予勉強塞責過事荒唐不無疎忽所在務望將來廣續編修後雅博儒加以斧正以免貽笑大方緣斯譜造成之日聊綴俚言於譜端是爲序

昔

豫章羅氏族譜

卷一

新序

三

中華民國三十年歲次辛巳仲冬月

穀旦

廿六代裔孫師資畢業生羅炳南拜撰

廿七代裔孫高小畢業生羅敬賓全忝校

序

瀕江以西之大郡莫如豫章若僕嘗遊學而知之矣然地以人傳彼都之著未始非生斯族者蔚然有秀出之材焉况豫章在三代以前域爲羅國羅居漢淮之際以楚之大關伯比鄧曼之智莫敖屈之瑕勇欲一小羅而不得君子讀史莫不嘆祝融之後之必大矣至秦而降國易爲氏鳩搏鳳起村出愈奇湘中琳瑯攬異中之物望席上才子應天上之星文脈吟以詩虎得名技無敵手學行與木鐸並垂道有傳人文則聲滿中原薄大魁而不事武則軍威童子奪臬帥以無難郊國公罔捍兩朝北平王天擎五代丹心不改全貞從總督之龍烏哺必酬盡數艦翰林之鮪歷覽古來忠臣孝子理學名儒其出於羅氏之宗者非惟史不勝紀卽家乘亦難備登矣而且子孫蕃育不一其地種落之遠散見天下郡國尙未繁

豫章羅氏族譜

卷一

舊序

徵傳引但就鄰境之里田以觀變乎清南之望族也自其遷祖斬之達蒿藜董家於斯土椒聊之衍卽已浸盈其升第焉迨十八傳而圭仲良太公碩大無朋光遠有耀爲後昆者極之煙居揆地冠劍填庭且有加而無已今者繩以繫以生齒愈蕃滋矣編以連以時代亦深遠矣支下大雅功壽輩恐以多歷年所訛聞不治有遺生歟而莫考也於是聚父老謀倡爲七修族譜之舉編備昭穆付梓手民刷校業行功無不齊願夫魯魚帝虎字文之名象無訛商飢周麟世系之幹枝不紊人物則後先如稽事功則今古有傳駁衆鴻名不同焉於草木高標奇節永並壽於山河是以先美稱揚與鼎銘同成績留貽與族常同夫家土宇囊括山川風景包羅與司民之責職方之紀並無不同族譜之修明備周詳其見有加多無加少者類如此乎僕不文未能贊斯譜一辭而學語牙已

人云亦云惟以見見聞聞更爲著明而深切者弁之簡以爲序

肯在

光緒癸卯歲仲夏之歲夾鍾月上澣

邑廩生揀選巡政廳

里人江天衢荷亭氏拜謨

豫章羅氏族譜

卷一

舊序

二

仲良公六修族譜序

朝廷有史省州府縣有誌鄉黨閭巷有譜名雖不同其理則一蓋譜者管也布也布列以見其事也自殷以前諸侯不可得而譜漢唐而後始有譜系以紀世族繼序而譜于是乎傳而譜亦于是乎重古云三世不修譜比譜不孝蓋時至一世亦云久矣至於三世則世遠年湮其中坊村難保無冠亂之災人民難保無離散之苦田園難保無變換之事廬墓難保無更改之形其湮沒而不可考者多則譜之時義大矣而修之可不亟也哉余族 仲良公房自道光壬辰五修族譜至今又四十餘年且當 咸豐之末 同治之初髮逆擾亂近得清平雖修期已過而老成凋謝兼乏修資後生子姪不敢輕舉妄動幸族叔 顯忠與余于五修之時尙與其事而聞其大畧因催族衆商酌公立議字選擇董理囑予秉筆余

豫章羅氏族譜

卷一

六修舊序

一

雖荒蕪不文分屬文庠莫能辭責只得肩承其事于雅賓開局中秋告竣凡一切書記次序墳墓祀產業派行傳等項或仍舊或新增閱斯譜者瞭如指掌即以見尊祖敬宗收族之義焉後之人能明乎此而推類及餘則雖名爲譜而與諸無異也即與史合符也又何論乎名目之尊卑地方之大小事務之巨細哉至于七修八修則不能無望於後裔之肖子賢孫云茲當譜成謹述數語以弁其首

皆

同治十一年壬申歲仲秋月穀旦

二十四代裔孫邑文庠生董征頓首拜撰

豫章羅氏六修族譜序

纂譜之義昉自歐蘇創立式程論定實才昭爲法守誠以是爲管攝天下人心使其敦本本水源之詣發而爲尊祖睦族之要務也吾譜自創而通五修諸先達酌宜盡善言之極詳距今又歷四十餘年其間之宜校正增補者不可勝道數過時可修期孔亟舊歲議及修之發言盈庭辭移莫決叔顯忠等從而曉之口是舉也所關甚巨源流恐爲世系昭焉而且編年紀月一族緊要之事該焉否則曠已莫稽其襲不可言狀前人既竭心思有其舉之莫敢廢也夫自古帝王通典而富更姓改物其文無徵不續故耳惟一脈之發祥爲能閱久而不論世代雖遠各有所宗族姓繁密皆知所祖特恐有譜不修不修則闕已則忘其所由來必混亂而莫辨所謂比譜不孝者此也幸祖靈默誘其來修議既定公舉董理鳩工

豫章羅氏族譜

卷一

六修舊序

一

庀材設局蒞節命予秉筆自揣無才恐貽厥職願贊勳諸公以佐予之不逮焉念我族承出祝融其後封於羅以此爲姓開豫章以斯爲郡海內皆一脈也自此以往以親及親由安豐始 祖十三郎公而上溯根竹由根竹而溯甯陽而又上溯之支 祖從畧本祖必詳夫固歷歷其不爽矣再由十三郎公而下考統諱號生爰續差精詳之外而不及他支者明斯譜非通族續也由 仲良公而下田園廬墓生要發葬傳文圖說前載者仍之後有者增之必一一而無遺者以斯譜自 仲良公始也雖一本萬殊而長卷觀之燦若列眉瞭如指掌一若千百世而下以溯千百世而上之祖儼然呼吸可通靈爽可憑豈第區區爲一時之計哉由是天秩天叙昭穆分而尊卑定位人綱人紀大小別而長幼有倫則親疏明斯等殺昭思以聯之義以離之害有以相勸惡有以相規而謹凌

之習潛移默化孝弟之心日引月長卽尊祖睦族之念有不期與而自興矣遂聚大和之氣於一族炳蔚人文阜豐財物蒸爲仁里望族可於是役兆其端也今修期告竣庶步諸先達之從廉兇諸前賢之譴責尤冀後裔仁人孝子紹前徽昭來許自此以後接踵而起率以三十年爲期繼以繩以務使斯譜如日月經天江河行地永垂不朽是以爲序

昔

同治十一年壬申歲桂月上澣

之吉

二十四代裔孫邑庠生雲薰薰沐敬撰

梁章羅氏族譜

卷一

六修簡序

二

梁章羅氏五修族譜序

恭讀

聖諭廣訓爲宗族以昭雍睦篇中教天下立家廟以薦蒸嘗設家塾以課子弟置義田以贍貧乏修族譜以聯疎遠想見意美法良卽修譜一道亡諸宋室歐蘇纂譜之義舉而公諸薄海內外莫不各有以自盡其尊祖收族之心也金華太史宋謙曰古云三世不修譜者比之不孝而修期則限三十年爲率蓋統元會運世而論三十年爲一世凡間少者壯壯者老而老者已故於三十年之中生要娶養煩瑣易落宅墓坐向新舊更遷祀產田山增減不一以及孝弟忠信文人學士節烈婦女隨時迭出矧一切文字宜於昔不宜於今理當敬避者不知凡幾此譜之所以至三十年不容不修也校昔序記吾族之譜爲前明疏寇所焚天敎丙寅始叨先達 炳興 大章 陸寶 尙聲輩

梁章羅氏族譜

卷一

五修簡序

一

邇搜遺蹟約族倡修至雍正甲寅 曾伯祖起輪繼叔 萬祥諸公之筆而後修迨乾隆甲申 曾伯祖起機等集衆三修乙巳丙午衆舉 文元叔祖秉筆已經四修歷茲四十七年矣而鍾食饒役傷老成凋謝又屆修期屢向六房催續奈年輕莫能董攝幸自嘉慶甲戌漸次修盤風水以來刻期差勝曩昔足見族運轉移又得從遊諸弟咸知大義協德父老竭力贊助裁定規條措置出息六房冊稿各自辦齊俾贊諸事推予握管並付梨梓嗣是各輩苟能咨度咨謀興利除弊培植後學仰紹前徽則不負吾與諸兄弟二十餘年爲畫之積綜此後六修七修以垂無窮各盡孝慈勉爲仁里交相勸勵共榮昇平則和氣致祥族居蕃衍理不爽也是爲序 歲在道光十二年正月上澣之吉

二十三代裔孫邑廩膳生應序正貢廷鑑薰沐百拜謹識

豫章羅氏四修族譜舊序

古所謂三世不修譜者比之不孝斯言也可以蔽諸譜論矣夫所謂三世者微詞也知其微而修之庶幾待三世哉待三世則遺遠則失故舉微詞以儆人夫所謂比之者危詞也知其危而修之則孝其庶幾矣不知其危而不修則不孝之名且難被責於一家况一族乎故又舉危詞以惕人余族之譜前置已叠修復之修於 乾隆甲申之歲瞬息間屈殆又廿二年矣閱時代之通更覽人事之難齊既有不類於今豈能不遠於昔誠以支分派別戶口日繁其勢然也今日者欣逢

至治民盡恬熙耕田鑿井之餘時慕親睦愛敬之道已冬六易叔姪同議重修屬筆於元絕不揣謏陋或奉考或增附信者詳之疑者闕焉傳文固非粉飾世系亦核精詳圖產廢所差謬生葬不致遺忘將

豫章羅氏族譜

卷一

四修舊序

一

見祖與嗣先後可溯與子新舊可稽咸謂得茲一修前人無憾後裔堪思庶免殘缺失墜不致踵不孝之名可信今而傳後來自是以往或大修或小修則又望於後裔賢孝者之繼繼繩繩而勿登也夫

告

乾隆五十二年丙午歲桐月

穀旦

二十一代孫色增生文元薰沐敬頌

國學生 鴻泰全訂

國學生賢游校閱

邑庠生甘選 聯聯 廷選同對勘

豫章羅氏三修族譜舊序

余嘗考禮大傳仁以率親義以率祖而知仁主於愛愛莫先親義主於敬敬莫先祖愛敬立而尊祖睦族之道於是乎備而其要在於修譜譜也者書也書編乎一本九族也夫縣有誌國有史而族亦有譜昭穆由此辨尊卑由此別丁賴田宇墳塋榮需由此考譜之關係不素重哉余族自豫章徙甯陽又徙勸竹而 十三郎次子四十四郎始遷安豐居焉自是而延十八代 祖仲良乃余六房祖也 祖謹厚謙和實懿薦剡迄今子孫所支所食者悉荷祖之惠男丁三百有奇人樂事易乃有譜而不繼修未免荒棄而失之矣前人炳隆寅等已修于明迨後萬祥起翰諸人繼踵而續茲歲甲申爰集六房兄弟屬羣輩而言曰古云三世不修譜撥諸不孝余年邁有志難正獨力難支願爾曹共襄厥事六房兄弟與姪象曰善哉敬舉敢不聽從于

豫章羅氏族譜

卷一

三修舊序

一

是仍其舊而余之核其新而訂之 自始祖一脉相聯分支別派至廿三世其有關於綱常者則錄之有重子名教者則錄之昭穆之序次尊卑之上下則錄之且丁賴田宇墳圖祀產則錄之是役也原非細事豈余一人之力六房兄弟暨諸姪用是校正余詳採輯編次細心研訂彙帙咸卷用鐫諸梓復冀後裔父與父言慈子與子言孝兄與兄言友弟與弟言恭雍雍睦睦比洩比怡比有善相勸有過相規仁以相洽義以相維而和氣鍾於一門是則余修譜之意也夫是為序

乾隆廿九年歲次甲申季夏之吉 二十代孫國學生起槐薰沐謹頌

國學生 起標 昌琮 應乾 應錦 應彪 應鴻

鄉賓 起樞 邑庠生 鳳 廷昭 邑增生文元等同奉訂

豫章羅氏次修族譜舊序

家之有諸如水之有源流如木之有根葉源遠則流長根深則葉茂於物且然況于人乎余族之譜雖其荒蕪而不修第恐彌久而彌失愈繁而愈遺甯得視為贅物一任曠亡于宗族之間將見尊卑由此混長幼無可別親疏靡所辨而人倫幾廢而仁義禮智之性亦自此滅矣譜之關係豈不重哉余觀斯世澆薄成風期功之親不相為服祖宗之名未識何說甚至蘿施松栢墓富貴為集苑舍枯厭貧賤焉一姓之子視幾等於路人百口之家處若隔乎秦越噫人心無譜則無族無族則無祖無祖亦安用子孫為哉夫烟火之地不謂不廣正為其廣之慮子姓之衍不謂不多正為其多之憂有心世道者甯不慮其廣憂其多而孝以焉恩有以序之有以明之而使之咸有知所悚懼于宗族間者猶幸有譜之昭然以品之也不然則烟火千家笑

豫章羅氏族譜

卷一

次修舊序

由約束匪類疊出懼畏誰從由斯以談孰敢視譜牒為贅物越其荒蕪而不修哉余譜自明經族伯祖太炳大章等纂輯有年所矣子姓蕃衍增前數倍宗老恐久而或湮也復命輯等董其事排纂既畢昭穆以分尊卑以明長幼有別親疎有辨庶乎孝弟之心油然而生矣余於譜牒之咸不禁躍然于源遠流長根深葉茂者之得如乎水木也爰序之以弁其端

雍正十二年甲寅歲冬日

二十代孫邑庠生起翰薰沐謹識

董事 田峻萬禧 邑庠萬祥 邑庠萬俊

邑庠耀星 邑庠起鵬 邑庠金 國學之琳同余訂

邑庠元 邑庠顏高 國學起槐 邑庠起瑚同校正

安豐羅氏豫章族譜舊序

譜者原以明一本合族屬俾得昭示來許也無譜則不知祖所自出支分派別視幾等於路人將墳塋或久而迷失即事跡亦遠而遺忘如何徒居都市方輿鉛槧之際殊未悉祖鄉之山川奚似族父老昆季之家屬若何矣甯第祖代墳塋旅間之事跡已哉今幸沐先人餘蔭得沾傾塵始歸謁祖居乃知安豐一鄉獨我豫章羅氏一脉甚蕃雖有舊家翁姓亦寥亡于幾式微適丙寅春我鄉閩族纂譜時族弟大章暨陸實伯聲均叨列弟子員全族伯叔欲屬筆于何乃詢歷代源流事蹟訪之族父老翁曰譜牒亡於嘉靖年流賤之機縱獲一二草草訂秩奈見聞乖隔脫漏堪虞何嗣是周諮採訪徧究細查不憚身心之瘁因而野渡潮源詳系核派何辭且暮之勞藉羅氏系出融之後原封于羅厥後以國為姓傳至珠公仕漢為大司農懷漢

豫章羅氏族譜

卷一

舊序

公居于洪都豫章清江西豫章者此也珠公後子孫徙者甚夥其世系難更僕數越三十五代六俚始遷南化至宣郎則由冬茅窠而遷舳舻又越四代十三郎次子四十四郎始遷安豐鄉居焉迄于今至炳十七代矣其間遷易遺忘刻齒以兵燹則斯譜之修豈可少哉編次之下于上古之世系不可知則闕而不錄於始遷以下猶足徵則信而可詳以序昭穆以別尊卑世系墳塋有所載田宇祀產有所編庶使雲初奕世後可瞭然于心目若夫昂首雲霄昭昭豆之光炳竊有志而未逮尤屬望于繩以振起者也譜成因以題其首

昔

天啟元年歲次丙寅仲春之吉

十七世孫邑廩生炳謹識

豫章羅氏族譜舊序

余生長都邑 祖鄉少遇焉二十年叨刻贊官因歸謁 祖始得歷覽 祖鄉之境地後而得就族父老伯叔兄弟大都倫模淳厚耕讀傳家因叩族長而索族譜焉族長曰譜焚失于嘉靖年之流賊不可得也唯余憶韓魏公云謹家牒而心不忘乎先堂者學之大者也後世不能謹而知此與世之絕也何異又歐陽文忠公云子孫不知姓氏所從來而昧昭穆之序者禽獸不若也前賢諄諄於譜若是則余族之譜豈可任其焚失而弗修哉雖然三代之時無譜牒而姓氏詳明如左傳所載晉范氏世系自周唐杜氏商豕韋氏夏御龍氏歷潮至陶唐劉累上下一千七百餘年累已如一棧明若指掌雖無譜牒與有譜牒何異迨隋唐以後其氏族之件訛支離揚厲以粉飾其大家則與焚失也豈有殊哉於是族哲以譜久廢愈議修之因覓其道

豫章羅氏族譜

卷一

舊序

冊并老成所記大畧佐叔 納大章暨尙聲等旁搜彙採迴世系之源流攷同宗之支派蓋古者宗法修明由小宗以溯大宗由大宗以溯始祖如千枝萬葉之歸根百川彙整之朝海則斯譜之修雖未嘗倣古而爲之而一本之誼庶乎其可明矣凡我族人誠能謹譜牒而勿失明尊卑以序昭穆披閱之下儆惕於心咸篤其親親之愛相中以孝相率以友更爲勸勉以進于睦姻任恤之風受教者焚掖之不率者讓斥之則余豫章一族固可保世而滋衍亦可幽贊先人而無慚弗致蹈韓歐之誚也譜成不禁約畧以概其端焉

昔

天啟丙寅仲春之吉

十八代孫邑庠生陸寶薰沐謹序

邑庠生 大章 邑庠生尙聲同奉校

三修舊跋

余自癸未春統集六房兄弟暨姪輩會議修譜會曰是舉也非兄不能倡亦非兄不能任爾乃就舊譜余世系先生履圖名形向遠稽近考日夜圖維操心研慮諸弟爲余慮曰兄年七旬上且如此費精力况我輩敢不竭蹶是從余應曰爲祖宗事精神不覺倍爽越至甲申夏始得釐然具備矣爰用割刷六月告竣定爲八卷總若干篇編次成帙諸弟有難余曰譜之原委固歷歷可攷然遠代以來其間顯擢當時名垂後世者不乏其人願兄其傳諸余曰自宜耶由甯陽運動竹世連年久余鄉則以十三郎爲始遷之祖祖本以農爲業亦不必濫要皇族名宦以鋪張揚厲爲族榮惟提實以傳亦猶司馬子長詳近思遠之意諸弟曰族中有一言一行可爲坊表者即載諸譜奈何余曰人生大節不過忠孝廉節數大端至于出則顯親揚名處能修

豫章羅氏族譜

卷一

三修舊跋

身力行家諸重之然而未易觀也他如忠厚誠樸敦倫勸紀者亦在所必傳卽或捐貲施濟修橋葺路見一善行發一善念諄諄不廢此亦彰顯之遺意也諸弟又曰人有善行可錄善念可稱載諸于譜是已併及婦人女子奈何余曰斯世人心風俗不古若甚至兼耻盡喪節氣俱忘况婦人女流目未識詩書耳不聞師訓而能冰雪爲心松筠自潔洵足彪炳人寰乃有守正不字扶弟終世如吾族 三九姑者凡宜孝義兼傳近如雁佛之妻童氏從容節烈亦可苦勞人世但僻處鄉閭固不獲申開建坊旌獎藉幸譜牒輿論得一言以表揚即九泉之下所甘心矣於以傳之誰曰不宜諸弟乃諾而退曰斯譜之修豈淺鮮哉吾今而知兄之能倡能任者職是故也噫余任秉筆一本公心並無私曲兼得諸弟暨姪輩共襄厥成敢曰余一人之力哉務期後裔鄭重斯譜如龜鑑如銘銘焉因錄片言以跋于後

峇

乾隆甲申歲林鍾月吉辰

二十代孫起槐蒸沐謹撰

董事人名列載

秉筆 起槐

總理 起槐 起泰 起聖 應倉 應坤 應兆

對稿 應松 應鴻 應升 廷昭 廷元

校正 起槐 起桂

僕事 起茂 應敷 應乾 應錦 應明 應鵬 應仁

豫章羅氏族譜

卷一

三修舊跋

二

四修族譜跋

丙午春三月諸牒告竣諸父老閱譜畢會曰譜之成也其實有自其修有由其法有效其義有取可無一語以蔽於後乎爰命元談之囑余雖固陋不文然義不容辭趨篝燈擗管而述之余族系出祝鳩之裔封于羅其後以國為姓傳至珠公封於漢官豫章遂以豫章為郡追往緒而溯源洸世遠年湮其散布四方者已難殫述由豫章徙甯陽又遷勸竹而又遷居安豐鄉系族蓋越數十世矣余而族遠追祝融而祖珠公者不敢忘始出之氏與自出之那氏迺祝融郡昭豫章蓋有爵而本有自也且近祖十三郎者不敢沒始遷之祖蓋始遷之祖百世不祧也而尊尊之道明矣十三郎以下而余旁譜獨宗仲良者蓋他房廢而不續而余旁獨續修之是以宗仲良而親親之道明矣諸修于明天啟建元經先賢炳與大章陞寅尚賢等手

豫章羅氏族譜

卷一

四修舊跋

一

迨清雍正間叔祖萬祥全閩族修未竟而歿堂伯起翰等踵續之至乾隆甲申堂伯起槐等又續之歷今廿二年堂叔起德起聖集六房姪孫輩會議時移代易且值例避諱猶恐前修遺礙嗣是更而新之在局中忘我斯疎殫我心慮時時起勉以佐諸君子之後者以英非圖名利之事惟體尊祖敬宗遠瞻近考探本窮流憑舊倣正補漏刪瑕遵循典則法倣歐蘇殊覺上下名分尊卑別夾支派分疏他房書宗不書支原委清矣圖先傳後稽覽便矣諱號行生享年歿葬書之實錄徵矣且山川籍之字輩繪之祀田書之重其地崇其禮仁孝之心生矣孝友書貞兼書善行書旌表明矣而且存疑以備攷探論以證修立規以示勸懲凡以起例則斯譜也纂之輯之不失定亦不失修不失法亦不失義尊也而親親將見于載下可感仁孝之心而羅氏豫章之本源已不類於秦風之昧祖越俗之忘宗矣念我族人

慎之重之尤冀後之賢哲尤而樂之益而修之謹啟

歲在

清乾隆柔兆敦辨月值元默執除之吉

廿一代孫文元薰沐頓首再拜敬謹

五修輔理列左

夏授 泰邦 泰通 良遂 壽任

夏本 夏菴 建勳 國標

勳事

賢猷 賢仰 賢庭 賢訓 良仕 良訓

夏熙 夏暢 夏賈 夏制 夏柄

豫章羅氏族譜

卷一

四修舊跋

二

五修譜跋

蓋自辛卯仲冬議續修譜越歲壬辰新春開局懸帛告竣衆叔姪子姪曰五修雖成吾儕不無後慮蓋思四修至五修一隔四十七載約衆勸修正論反激百端化導備極籌謀方許割刷自今以往未審何時再修矣予越前慰曰無傷也五修所以難者皆由乾隆甲辰改造十三世祖戎山家廟戎仲辰歲之各稽左傳史墨所諫越得歲與伐必凶從知犯太歲之耗太歲者天文志與西法所謂第四重木星天十二年一周天之歲星也鄭康成則謂太歲與歲星相應應星右行於天太歲左行於地服虔註春秋又有龍度天門之說龍者歲星辰爲天門太歲與歲星跳辰行度之年歲不與焉故凡造葬等事坐山與年對冲爲年姓山家焉前召况 十八世祖祠氣脉全融無結聚四方穢穢地氣限人孰能不踏常變故幸自嘉慶庚午慎約賢良兩派英年董事搜遺續增經權子母息金數百蓄以

豫章羅氏族譜

卷一

四修舊跋

甲戌坐歲桂月陽烏照臨鳩工庀材更建 辛發公太家廟自是各房肄業授例擬產者累已昔席叔姚封于晉朝鮮箕子卜其必昌以是年歲星在晉皆明徵也茲各復以另選 太商祖祠墓克申安俯爲念訂舉董事詳列舊規種竹祖山教養後代再至卅年庚望生息廣進士農工賈各有資藉苟衣食足而禮義興百務可成設策實深且遠倘士得培植或有勳志青雲增光族黨者即遷建祠宇以邀地靈亦非其難似修譜一端無窮過慮總以諸董事協力同心開財源節財流擴克律贊振興家學遠則神朝廷作養人才之意邇則慰 祖先佑我後之心笑超若茲之田園廬墓悉載生娶娶葬不遺孝弟節烈立傳已哉跋此就期六易通誠子姪振綱飭範式好無猶慎毋暴棄 祖山出產自然之利致逾三十年修期則繼述優係手澤常新可無憾矣

道光元默執徐歲端陽節

廿三代孫文元薰沐頓首再拜敬謹

六修族譜跋

譜之由來舊矣譜之關係重且大矣是人不可以無譜有譜而修之不容視為緩圖也余族先年原有衆譜明中爲流寇所焚莫之能繼至大統年余大高祖仲臣公房始諸族先達大章及炳續而續之爲初修迨我清雍正登極叔祖太萬祥倡修未竟叔祖起翰等踵續之爲二修至乾隆甲申伯祖起槐等又續爲之三修後曾叔祖文元與堂叔廷孫輩復續之爲四修至道光壬辰余父廷鑑集六房父老商確而再修之爲五修夫迄今四十餘年修期已過前次修譜董事未有存者噫此譜之欲修也難矣况咸豐七八年後髮逆擾攘天下遭亂賊一入境淫孽焚殺其中洗離播遷死亡貧苦者不知凡幾則譜之待修也不更甚于前哉奈房中子姪知義董事者少而虛譏談笑者多自舊至今議修族譜數次不果余因斥數心灰幸得族第

豫章羅氏族譜

卷一

六修舊跋

泰從等竭力贊助喝余秉筆兼以應瑞余以年逾花甲荒謬不文恐不勝任奈衆口一辭難以謝責只得肩承其事爰將前次舊規新增系派祀進房星墳墓行傳等件付之梨梓首夏開局中秋告竣而畢祖敬宗睦族之誼亦在其中所衆叔祖等且體前人修譜之艱難辛苦珍之重之而不致視為遺文故紙也幸甚謹跋

告

同治十一年壬申歲南呂月穀旦

二十四代裔孫邑庠生龔征領首拜謄

七修譜跋

且夫譜也者簪也普而見之言者也乃古人以之名家乘也此何爲哉不知家乘所載包舉靡遺而前而族姓淵源後而支庶流派親而祖孫父子尊卑倫次疏而諸父昆弟小大等差以及夫閭閻生聚配葬各房祠宅山田地方名勝風景之觀世代學行節誼之苦屑見登出一屬目而文章其明者無他譜在故也不觀吾仲長公之譜乎其初作也允達不憚心力之勞近者遠稽旁搜博採資乎聞見傳述衍爲卷冊圖書綱舉目張秩然得譜之體製及至初修以遲六修接踵而續子孫蕃衍有加無已簡編紀載亦積少成多譜之明備周詳固已粹然無間可議也然而年湮世遠散佚甚多自六修以來守缺抱殘三十載修期其孔亟矣况以其間之事蹟變遷人才迭出釋回增美其必更正而續補者不知凡幾於此而不修焉恐其曠日彌久丁

豫章羅氏族譜

卷一

七修譜跋

以繁而英記事以簡而愈速余於去冬祭祖之時急起疏而修之一時老友凋謝後進迂疎如雁行過謀是用不得於道路延至今夏承父老命任余董茲舉舉余愧不才無以副望爰取義易同人之下信診譽論爲命之謨簡六房之俊雅宿儒同襄其事而修譜之規模粗定焉從此而登議章程延匠起局彙各房之冊稿一一付副副磨次印刷點貼裝釘辦理會未浹旬而譜功成矣余開卷而觀見夫前所紀者仍舊不失後所續者尤更加詳文以傳言而言賅焉圖以垂象而象著焉傳序以叙事記功而事功無不舉焉譜之所以爲智譜之所以爲言之管不於此而見然乎所獨不憚於志者百代之名物難窮一人之識有限舉此漏彼之失雖智者容或不免矧余淺陋本難保無缺畧但願生余之後大有賢哲補余不逮釋前人之餘憾發古而幽光則余猶有厚幸也夫茲適譜成姑綴數言以爲跋